



Sabtu, 25 Desember 2021
Ogen: Lukas 2:8-20



Rende Muji Tuhan



Seh riahna ukurta wari natal. Wari ketubuhen Tuhanta Jesus Kristus. IA me juruslamatta, IA kapen penampatta. Keriahen e pe igejapken malaikat ras permakan-permakan. Permakan si sangana ermakan, ndahiken dahinna bagi semalna, janah nggeluhken geluhna bagi semalna i mbalmbal, rempet reh me malaikat ngataken mejuah-juah dengen maba berita si mbelin e me ketubuhen raja dame. Iturikenna i ja ingan anak e tubuh, dengen si jadi tanda nandangi anak si tubuh e. Dung maba berita malaikat rende muji gelar Tuhan, ipujina Tuhan si meganjangna, dame man manusia si ngena ate Dibata. Ialoken permakan berita e, kenca si e minter idahina ingan si ikataken malaikat e. Idapetina me kerina bagi si ikataken malaikat ndai, e maka mulih ia alu rende muji Dibata. Turi-turin natal enda mereken pelajaran man banta maka malaikat rende muji Tuhan erkiteken enggo isehkenna berita si meriah, Permakan rende muji Tuhan erkiteken enggo iidahna kuasa Tuhan e. Si enda mabai kita i bas Natal enda maka ndenden pujin man Tuhan e jadi sada tanda maka kita enggo meritaken kerna perbahanen Tuhan bagi malaikat ndai. Pujinta man Tuhan teridah arah nggitna kita muat bagin meritaken kerna perintah Tuhan e. Permakan rende muji Tuhan erkiteken enggo iidahna dengen igejapkenna kerna padan Tuhan e tersehi kap. Enggo inanamina kuasa Tuhan e seh maka mulih ia ipenangkihna nden-ndenna man Tuhan.

Senina Moria, salah sada ciri natal e me rende muji Tuhan, si jadi perenungenta; kita rende erpalsken enggo min si gejapken kerna kuasa Tuhan seh maka nde-nden si penangkih kita e rehna arah pusuhta nari janah erpadan guna naksiken Kuasa Tuhan arah kegeluhenta. Rende muji Tuhan labo terjeng segelah iidah jelma si enterem saja tapi tuhu-tuhu ulih perjumpanta ras Juruselamat e. Nden-nden si bage maba kedamen kap. Selamat Natal.